

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 4. stav 1. Pravilnika o postupcima u provođenju Programa razvoja male privrede za period od 2021. do 2024. godine („Službene novine Zeničko-dobojskog kantona“, broj: 14/21) i Programa utroška budžetskih sredstava (Subvencije privatnim preduzećima i poduzetnicima-ESCROW sredstva) usvojenog Zaključkom Vlade Kantona, broj: 02-11-12288/22 od 11.08.2022. godine i broj: 02-11-16260/22 od 03.11.2022. godine, na prijedlog Ministarstva za privredu, Vlada Zeničko-dobojskog kantona, na 179. sjednici, održanoj dana 03.11.2022. godine, d o n o s i

ZAKLJUČAK

I.

Daje se saglasnost na Uputstvo za dodjelu sredstava po Javnom pozivu za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju troškova jačanja konkurentnosti, broj: 04-11-12142-3/22 od 19.10.2022. godine, koje čini sastavni dio ovog zaključka.

II.

Zaključak stupa na snagu danom donošenja.

Broj: 02-_____ /22
Datum, 03.11.2022. godine
Z e n i c a

PREMIJER

Mirnes Bašić

DOSTAVLJENO:

1x Ministarstvo za privredu,
1x a/a.



**UPUTSTVO
ZA DODJELU SREDSTAVA PO**

**JAVNOM POZIVU
ZA PRIKUPLJANJE ZAHTJEVA ZA ODOBRAVANJE I DODJELU
(REFUNDACIJU)
FINANSIJSKIH SREDSTAVA NAMIJENJENIH SUBVENCIONIRANJU
TROŠKOVA JAČANJA KONKURENTNOSTI**

Zenica, oktobar 2022. Godine

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i Pravilnika o postupcima u provođenju Programa razvoja male privrede za period od 2021. do 2024. godine („Službene novine Zeničko-dobojskog kantona“, broj: 14/21), ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

**UPUTSTVO
ZA DODJELU SREDSTAVA PO**

**JAVNOM POZIVU
ZA PRIKUPLJANJE ZAHTJEVA ZA ODOBRAVANJE I DODJELU
(REFUNDACIJU)
FINANSIJSKIH SREDSTAVA NAMIJENJENIH SUBVENCIONIRANJU
TROŠKOVA JAČANJA KONKURENTNOSTI**

I OSNOV ZA DONOŠENJE UPUTSTVA ZA DODJELU SREDSTAVA

U skladu sa članom 9. Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), Vlada Zeničko-dobojskog kantona je Zaključkom, broj: 02-24-8569/21 od 16.06.2021. godine donijela Program razvoja male privrede Zeničko-dobojskog kantona za period 2021.-2024. godina. Programom razvoja male privrede Zeničko-dobojskog kantona su utvrđene: smjernice razvoja, poticajne mjere, nosioci provođenja poticajnih mjera, aktivnosti provođenja, izvori sredstava, metodologija provođenja i praćenja provođenja pojedinih mjera. Program razvoja male privrede Zeničko-dobojskog kantona je usklađen sa Strategijom razvoja Zeničko-dobojskog kantona 2021.-2027. godina.

Program utroška budžetskih sredstava u 2022. Godini - Subvencije privatnim preduzećima i poduzetnicima-ESCROW sredstva donesen je u skladu sa članom 28. stav (1) i članom 46. stav (1) Zakona o izvršavanju budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22) i odredbama Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20). Program je usaglašen sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

Programom utroška budžetskih sredstava u 2022. godini - Subvencije privatnim preduzećima i poduzetnicima - ESCROW sredstva utvrđeni su kriteriji na način da će Ministarstvo za privredu raspisati javni poziv za dodjelu sredstava, u skladu sa Uputstvom za dodjelu sredstava u 2022. godini.

II IZVOR FINANSIRANJA

Budžetom Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), planirana su finansijska sredstva, ekonomski kod 614500-Subvencije privatnim preduzećima i poduzetnicima-ESCROW sredstva u iznosu od **1.500.000,00 KM**.

III UPUTSTVO ZA DODJELU SREDSTAVA U 2022. GODINI

U skladu sa Pravilnikom o postupcima u provođenju Programa razvoja male privrede za period od 2021. do 2024. godine, Ministarstvo za privredu donosi Uputstvo za dodjelu sredstava u 2022. godini – ESCROW sredstva.

Imajući u vidu raspoloživa sredstva, te obaveze koje proizilaze iz Godišnjeg plana rada Ministarstva za privredu Zeničko-dobojskog kantona za 2022. godinu i Programa rada Vlade Zeničko-dobojskog kantona za 2022. godinu, te u skladu sa Programom utroška budžetskih sredstava u 2022. godini - Subvencije privatnim preduzećima i poduzetnicima – ESCROW sredstva, Ministarstvo za privredu je planiralo utrošak sredstava, između ostalog, putem Javnog poziva za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju troškova jačanja konkurentnosti.

JAVNI POZIV ZA PRIKUPLJANJE ZAHTJEVA ZA ODOBRAVANJE I DODJELU (REFUNDACIJU) FINANSIJSKIH SREDSTAVA NAMIJENJENIH SUBVENCIONIRANJU TROŠKOVA JAČANJA KONKURENTNOSTI

Ciljevi: Odobravanje i dodjela (refundacija) sredstava poticaja namijenjenih za subvencioniranje troškova jačanja konkurentnosti - nabavka stalnih sredstava (oprema i mašine za tehnološko unapređenje proizvodnje) za obavljanje djelatnosti u svrhu realizacije investicija privrednih subjekata na području Zeničko-dobojskog kantona.

Prihvatljivost podnosioca prijave:

Pravo korištenja ovog poticaja imaju privredni subjekti koji obavljaju djelatnost iz područja prerađivačke djelatnosti (Područje C prema Klasifikaciji djelatnosti KD BiH 2010) registrovani u Zeničko-dobojskom kantonu, koji dokažu da su u periodu iz tačke 1. ovog Javnog poziva izvršili nabavku stalnog sredstva i koji ispunjavaju uslove definisane članom 2. Zakona o poticanju razvoja male privrede („Službene novine Zeničko-dobojskog kantona, broj: 7/16 i 7/20).

Podnosioci zahtjeva moraju biti:

- a) Pravna lica/privredna društva (d.o.o. i d.d.) shodno Zakonu o poticanju razvoja male privrede ZDK,
- b) koji imaju sjedište na području ZDK;
- c) nalaze se u većinskom privatnom vlasništvu;
- d) imaju pozitivno poslovanje u 2021. godini;
- e) imaju najmanje 3 (tri) zaposlena na dan objave Javnog poziva na web stranici Vlade ZDK, unutar područja C Klasifikacije djelatnosti KDBiH 2010.

Neprihvatljivi podnosioci prijave:

Pravo na subvenciju po Javnom pozivu ne može ostvariti privredni subjekt:

- a) kojem su odobrena sredstva Ministarstva za privredu po Javnom pozivu za odabir korisnika „Programa podrške razvoju konkurentnosti privrede (investiranje u opremu, obuke radne snage, promocija i sajmovi, standardi i kontrola kvalitete, patenti)“ za 2022. godinu;
- b) koji je po istom osnovu i za istu namjenu ostvario subvenciju, donaciju ili drugu finansijsku pomoć iz drugih izvora;
- c) su u postupku predstečajne nagodbe ili likvidacije;
- d) nemaju pozitivno poslovanje u 2021. godini;
- e) ne mogu pružiti na uvid bilans stanja i bilans uspjeha, za 2021. godinu;
- f) nisu registrovani na području ZDK;
- g) nisu ispunili obaveze vezane uz plaćanja dospjelih poreznih obaveza i obaveza za penziona i zdravstveno osiguranje u skladu sa zakonskim odredbama. Podnosioci prijave koji imaju sklopljen ugovor sa poreskim organima u Bosni i Hercegovini o servisiranju duga neće biti uzeti u razmatranje;
- h) su osuđeni za krivično djelo vezano za svoje poslovno ponašanje na temelju pravosnažne presude;
- i) su bili predmetom pravosnažne presude za prijevaru.
- j) imaju neizmirene finansijske obaveze prema Budžetu Zeničko-dobojskog kantona. Ministarstvo za privredu će službenim putem izvršiti provjeru navedenog kod Ministarstva finansija Zeničko-dobojskog kantona.

Zahtjevi korisnika sredstava poticaja Ministarstva za privredu koji nisu opravdali ranije dodjeljena sredstva ili nisu uredno opravdali dodjeljena sredstva, neće se uzeti u razmatranje, kao ni nabavka i kupoprodaja stalnih sredstava od dobavljača koji spadaju u kategoriju povezanih lica sa podnosiocima prijave. Osnovi povezanosti su:

- Isti vlasnik i/ili suvlasnik pravnog lica,
- Vlasništvo i/ili suvlasništvo bračnog druga i/ili lica koja žive u istom domaćinstvu ili imaju međusobno povezane ili zajedničke investicije,
- zajednički članovi Nadzornog/Upravnog odbora i/ili Uprave.

Dodjela finansijskih sredstava kroz Program i iznos bespovratnih sredstava:

Ukupan iznos sredstava za finansiranje ovog Javnog poziva iznosi 300.000,00 KM.

Vlada Kantona će subvencionirati (refundirati) troškove nabavke stalnog sredstva (fakturisanog iznosa u KM bez PDV-a) u 2022. godini, u jednikratnom iznosu do 30% od ukupne vrijednosti nabavke stalnog sredstva bez PDV-a, ali ne više od 20.000,00 KM.

Kriteriji za evaluaciju projektnih prijedloga:

Svi dostavljeni zahtjevi će se ocjenjivati u dva koraka, u skladu sa ispod propisanim kriterijama, pri čemu je prvi korak eliminatoran, dok se u drugom koraku ocjenjuje kapacitet privrednog subjekta.

Podnesene zahtjeve provjerava i ocjenjuje Komisija, sastavljena od imenovanih predstavnika Ministarstva.

Ispunjenost administrativih zahtjeva

U sklopu ovog koraka, po prijemu i otvaranju zahtjeva, ocjenjuju se sljedeći elementi:

- da li je zahtjev stigao u utvrđenom roku. Ukoliko nije, zahtjev se automatski odbija.

- da li zahtjev ispunjava sve navedeno u tački 6. i 7. Javnog poziva. Ukoliko ne ispunjava, zahtjev neće biti dalje razmatran.

Evaluacija zahtjeva

Evaluaciju zahtjeva koji su prošli prethodnu provjeru će vršiti Komisija. Evaluacija zahtjeva podrazumjeva ocjenu u skladu s kriterijima za ocjenjivanje.

Svi zahtjevi će biti evaluirani na osnovu jedinstvene skale prikazane u nastavku.

Evaluacijski kriteriji su podijeljeni na kategorije gdje se svaka kategorija boduje u rasponu od 1 do 5.

Evaluacijski kriteriji	Maksimalan broj bodova
Privredni subjekt ima 4 i više zaposlenih: <ul style="list-style-type: none"> • 4 – 9 zaposlenih • 10 – 30 zaposlenih • 31 – 80 zaposlenih • 81 – 249 zaposlenih 	1 4 5 3
Privredni subjekt je u većinskom vlasništvu osoba mlađih od 35 godina starosti ili u vlasništvu žena	Da – 5 Ne - 0
Ravnomjerniji regionalni razvoj (Stepen razvijenosti JLS) <ul style="list-style-type: none"> • grupa V • grupa IV • grupa III • grupa II • grupa I 	5 4 3 2 0
Privredni subjekt nije bio korisnik sredstava Ministarstva u zadnjih 5 godina (tekuća i prethodne četiri godine)	Da – 5 Ne - 0
Privredni subjekt obavlja pretežnu djelatnost proizvodnje sa visokim stepenom finalizacije (finalni funkcionalni proizvod) <ul style="list-style-type: none"> • Primarna prerada • Proizvodnja polu-proizvoda (elemenata ili dijelova funkcionalnih proizvoda) • Proizvodanja funkcionalnih proizvoda 	0 3 5
MSP ima zaključen ugovor sa obrazovnim institucijama o obavljanju ferijalne prakse	Da – 5 Ne - 0
MSP ima zaključen ugovor sa obrazovnim institucijama o obavljanju praktične nastave	Da – 5 Ne - 0
UKUPNO:	

¹Za ocjenu zahtjeva po kriteriju br. 1. iz prethodne tabele koriste se podaci Federalnog zavoda za programiranje razvoja - Socioekonomski pokazatelji po općinama FBiH 2020. godina, <https://www.fzzpr.gov.ba/files/Socioekonomski%20pokazatelji%20po%20op%C4%87inama/Socioekonomski%20pokazatelji%202020..pdf>

Grupa II: Doboj – Jug, Tešanj. Grupa III: Zenica, Visoko, Kakanj, Usora, Breza, Maglaj, Žepče, Grupa IV: Zavidovići, Olovo, Grupa V: Vareš.

Korištenje sredstava:

Podnosilac zahtjeva može aplicirati za refundaciju troškova nabavke stalnog sredstva za obavljanje djelatnosti (opreme i mašina za tehnološko unapređenje proizvodnje) koji uredno navede podatke o stalnom sredstvu koje je predmet subvencije, vrijednost nabavke stalnog sredstva bez PDV-a, naznaku da za isti osnov i namjenu nije ostvario subvenciju, donaciju ili drugu finansijsku pomoć iz drugih izvora, i koji uz zahtjev priloži uredne dokaze o nabavci odnosno kupovini stalnog sredstva (kopija faktura i kopija uplatnice i izvoda od banke na kojem je vidljiva uplata fakture);

Prihvatljiva nabavka stalnog sredstva je ona realizovana u periodu od 01.01.2022. godine do podnošenja zahtjeva po Javnom pozivu.

Neprihvatljivi troškovi su:

- Nabavku stalnog sredstva za koju je podnosilac zahtjeva po istom osnovu i za istu namjenu ostvario subvenciju, donaciju ili drugu finansijsku pomoć iz drugih izvora;
- Račun ili faktura sa uključenim tehničkim specifikacijama od dobavljača koji spadaju u kategoriju povezanih lica sa podnosiocima prijave, i to:
 - *isti vlasnik i/ili suvlasnik pravnog lica,*
 - *vlasništvo i/ili suvlasništvo bračnog druga i/ili lica koja žive u istom domaćinstvu ili imaju međusobno povezane ili zajedničke investicije i*
 - *zajednički članovi Nadzornog/Upravnog odbora i/ili Uprave.*

Prijava treba da sadrži sljedeće dokumente i priloge:

Zahtjev mora sadržavati sljedeće podatke: naziv i sjedište podnosioca zahtjeva, ime i prezime odgovornog lica, mjesto i datum podnošenja zahtjeva, naznaku Javnog poziva za koji se aplicira, podatke o stalnom sredstvu koje je predmet subvencije, vrijednost nabavke stalnog sredstva bez PDV-a, naznaku da za isti osnov i namjenu nije ostvario subvenciju, donaciju ili drugu finansijsku pomoć iz drugih izvora, pobrojanu i brojevima označenu dokumentaciju koja se dostavlja u prilogu zahtjeva i potpis i pečat podnosioca zahtjeva.

Uz zahtjev, potencijalni korisnik - subjekt dostavlja sljedeće priloge:

- a) Dokaz o nabavci odnosno kupovini stalnog sredstva (kopija faktura i kopija uplatnice i izvoda od banke na kojem je vidljiva uplata fakture);
- b) Bilans stanja i uspjeha za 2021. godinu ovjeren od nadležnog organa;
- c) Aktuelni izvod iz sudskog registra ne stariji od 60 dana od dana podnošenja zahtjeva;
- d) Uvjerenje o poreznoj registraciji;
- e) Obavještenje o razvrstavanju privrednog subjekta prema djelatnosti izdatog od Federalnog zavoda za statistiku;
- f) Uvjerenje od Porezne uprave FBiH o izmirenju direktnih poreza i doprinosa (PIO/MIO i zdravstveno osiguranje) sa brojem ili popisom osiguranih osobamatična evidencija - ne starije od 60 dana u odnosu na dan podnošenja zahtjeva;
- g) Uvjerenje o uredno izmirenim obavezama po osnovu PDV-a (*ukoliko je podnosilac po Zakonu o porezu na dodatu vrijednost u sistemu, ukoliko nije dostaviti Izjavu da privredni subjekt nije u sistemu PDV-a, ovjerenu od strane nadležnog upravnog organa ili notara*) - ne starije od 60 dana u odnosu na dan podnošenja zahtjeva;
- h) Uvjerenje komercijalne banke da je žiro račun podnosioca zahtjeva aktivan, ne starije od 60 dana u odnosu na dan podnošenja zahtjeva;

- i) Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj: 10/12) i Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18) (Obrazac Izjave može se preuzeti sa web stranice Vlade ZDK – www.zdk.ba).
- j) Izjava o neosuđivanosti i nevođenju postupka po osnovu privrednog kriminala fizičke odnosno odgovorne osobe u pravnoj osobi;
- k) Izjava o nesudjelovanju u koruptivnim radnjama;
- l) Izjava da za istu investiciju i iste prihvatljive troškove (ukupno ili djelomično) koje je prijavio po ovom Javnom pozivu, nije dodijeljena druga finansijska pomoć od strane donatora, Vlade Zeničko-dobojskog kantona ili neke druge institucije u Federaciji BiH.

Ukoliko se prijava odnosi na poslovnu jedinicu subjekta, onda dokumente pod tačkama d), e) i f) treba dostaviti i za osnovnu i za poslovnu jedinicu.

Važne napomene:

- Da bi podnosilac zahtjeva ušao u konkurenciju za odabir po Javnom pozivu mora ispuniti pravno-formalne uslove;
- Sve Izjave sa tekstom koje je sačinilo Ministarstvo treba da budu potpisane od strane odgovorne osobe – podnosioca zahtjeva. Sve Izjave izuzev Izjave o korištenim pomoćima male vrijednosti trebaju biti ovjerene i od strane nadležnih organa (notar ili općina/gradska uprava).
- Svi priloženi dokumenti moraju biti izdani od strane nadležnih sudskih ili upravnih organa. Priložena dokumentacija ne smije biti starija od 60 (šezdeset) dana od dana objavljivanja ovog javnog poziva na web stranici Kantona, osim dokumenata koji se izdaju jednom (npr. uvjerenje o poreznom broju, itd.). Ukoliko se radi o kopijama priloženih dokumenata, iste moraju biti ovjerene od strane nadležnih organa (notar ili općina/gradska uprava). U slučaju da dostavljena dokumentacija nije ovjerena u skladu sa ovom uputom, prijava će biti odbačena.
- Dokumenti koji se šalju na Javni poziv ne vraćaju se podnosiocu zahtjeva;
- Zahtjev mora sadržavati sve navedeno u Javnom pozivu;
- Vlada Kantona, može opozvati donesene odluke, zavisno od dinamike priliva budžetskih sredstava tokom godine.

Način podnošenja aplikacije:

Zahtjev sa priložima u zatvorenoj koverti, privredni subjekti dostavljaju lično na Protokol Zeničko-dobojskog kantona ili putem pošte na sljedeću adresu:

ZENIČKO-DOBOJSKI KANTON
MINISTARSTVO ZA PRIVREDU

Kučukovići br. 2

72 000 Zenica

Sa naznakom:

“Prijava na Javni poziv za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju troškova jačanja konkurentnosti”

“NE OTVARATI”

Na poleđini koverta obavezno je navesti:

- naziv subjekta;
- adresu i kontakt telefon;
- ovjeriti pečatom.

Prijave dostavljene drugim putem (npr. putem faksa ili e-mail), neće biti uzete u razmatranje.

IV ROK

Javnim pozivima precizirat će se rok za dostavu dokumentacije odnosno krajnji datum dostave dokumentacije.

V KOMISIJSKA OCJENA

Ministar rješenjem imenuje i razrješava komisiju za izbor korisnika poticajnih sredstava. Za svoj rad komisija odgovara ministru Ministarstva za privredu.

Po uredno prispjelom zahtjevu, na osnovu kriterija naznačenih u javnom pozivu, Komisija vrši ocjenjivanje prijava. Komisija sačinjava listu podnosilaca prijava koji nisu uvršteni na listu potencijalnih korisnika iz formalno pravnih razloga (sa navođenjem razloga neuvrštavanja), koju Ministarstvo objavljuje na web stranici Kantona. Podnosilac prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Kantona.

VI POSTUPAK ODOBRAVANJA

Nakon postupanja po svim prigovorima i uvidom na licu mjesta kod podnosioca zahtjeva, Ministarstvo utvrđuje prijedlog odluke o izboru korisnika poticajnih sredstava sa iznosom sredstava, a odluku na prijedlog Ministarstva donosi Vlada. Odluka se objavljuje na web stranici Kantona. Vlada Kantona može opozvati donesenu odluku zavisno od dinamike priliva budžetskih sredstava.

VII ISPLATA SREDSTAVA - REALIZACIJA POTICAJA

Na osnovu odluka o odobravanju sredstava, Ministarstvo za privredu podnosi naloge za isplatu sredstava Ministarstvu finansija.

Broj: 04-11-12142-3/22
Zenica, 19.10.2022. godine

